

Dä Sidi Abdel Assar vo el Hama

Mani Matter

1. Dr Sidi Abdel Assar vo el Hama
het mal am Morge früe no im Pyjama
ir Stross vor dr Moschee zwöi schöni Auge gseh,
das isch dr Afang worde vo sym Drama.
2. S'isch d'Tochter gsy vom Mohamed Mustafa,
dr Abdel Assar het nüm chönne schlafa,
bis är bim Mohamed um d'Hand aghalte hed und gseit:
i biete hundertfüzig Schaf a.
3. Dr Mohamed het gantwortet: bi Allah,
es fröit mi, dass my Tochter dir het gfalla,
doch Wärt isch si, my Seel, zwöihundertzwänzg Kamel,
und drunder chan i dir sen uf ke Fall la.
4. Da het dr Abdel Assar gseit: o Sidi,
uf son e tüüre Handel gang i nid y,
isch furt, het gly druf scho e Billigeri gno,
wo nid so schön isch gsy, derfür e gschydi.
5. Doch wenn es Nacht wird über der Sahara,
luegt är dr Mond am Himmel häll und klar a
und truuret hie und da de schönen Auge na
und dänkt: hätt i doch früecher afa spara.